

vt immediatè operetur, ac citò perficiat, patet in Moysè, patet in Dauide, patet in adultis, patet & in paruulis qui hodie pro Christo perempti gratis perceperunt brauium fœlicitatis aternæ, ita vt nati statim iugulati pariter & coronati sint, vbi obiter Christianorum torporem redarguit, qui creaturas ipsimet Creatori præferunt, & magis quàm Deum diligunt. Deniquè ad vitam pro Christi amore cum morte commutandam, & mortificationem tanquam quoddam martyrij genus, patienter perferendam hortatur. *Part. 2. serm. 4. de SS. pag. 611. & sequentibus.*

ORIGENIS homilia in Euangelium hodiernum, de Angeli apparitione facta Ioseph disserit, cur Christus in Ægyptum fugerit, varias profert rationes Herodis furorem, insaniam, crudelitatem, & scelera depingit, qui, vt ipse loquitur, in pestifero ambitu cordis sui omnium facinorum crimina supergressus est; eum cani, & cani rabido similem facit, paruulorum internecionem repræsentat & plangit, planctum parentum exhibet, Innocentes, primitias Christi martyrum ex ludæis nominat, primitiasque gentium tanquam in imagine præ se ferre, dicit, iuxta dictum Apostoli ad Corinth. *Velut infantibus lac vobis, &c.* Cæterum qua ratione Euangelista dixerit, *Rachel plorans filios suos, &c.* historiam Innocentium texens triplici modo exponit. *Tom. 2. homil. 3. in diuerses pag. 280.*

* RADVLPHI ARDENTIS de sanctis Innocentibus homilia in quâ visionem S. Ioannis Euangelistæ refert sub his verbis, *Vidi supra montem Sion agnum stantem &c.* Apocalyp. 14. & dicit eum exprimere. I. Quem vidit, sc. agnæ, qui Christus est, in agno paschali figuratus, mitis & innocens vt agnus, carne & sanguine suo nos pascens. Vbi eum vidit, *supra Montem Sion*, id est, supra eminentiam & contemplationem totius Ecclesiæ, cui præest non solum diuinitate sed & beneficio, doctrinâ, & exemplo; Quomodo vidit eum situm, *stantem*, id est paratum nos ad iurare & pro nobis pugnare. II. eos qui

eum eorant, sc. quanti essent? sc. centum quadraginta quatuor millia: cuius professionis? *Virgines enim sunt cuiusmodi vocem haberent? tanquam vocem aquarum mulierum quale canticum cantarent? cantabant quasi canticum nouum vt illud cantarent? sicut citharædorum citharizantium in citharis suis quam casti? qui cum mulieribus non sunt coinquinati. quam Deo propinqui? ante thronum Dei. quam electi? hi empti ex hominibus primitia Deo & agno. quam veraces? in eorum ore non est inuentum mendacium. quam mundi? sine macula enim sunt. a fol. 21 pag. 2. ad fol. 25. pag. 2.*

Eiusdem, homilia in Euang. vnde supra quâ demonstratur. Primò. Christum habuisse & veram diuinitatem cum consilia Herodis confudit; & veram humanitatem cum persecutionem fugit & abscondit sc. Secundò. Humanum furorem contra diuinum propositum insanire dum Herodes intentione frustratur quem occidere conatur, non lædens; quos occidit, martyres faciens; sibimet nocens. Tertiò. Terrenos de morte filiorum inconsolabiliter dolere, &c. a fol. 25. pag. 2. ad fol. 28. pag. 2.

* THEOPHANIS CERAMEI hom. 52. In hac. I. à solemnitate regum; quos perfas vocat, ad mirabilia nati pueri, præsertim quod Deus hominis insidias fugiat, transeundum dicit. 2. Rationes assignat cur fugere voluerit Dominus. 3. Herodis rabiem, & audaciam. Leuitatem accusat. 4. ostendit nihil melius infantibus illis euenire potuisse. 5. describit infanticidij illius luctum. 6. Iustum Dei sententiam assecutum esse Herodem tradit. 7. Transit ad considerandam spiritualem huius historię vim & rationem. a pag. 353. ad 359.

S. THOMÆ AQUINATIS sermo in illud Apocalyp. 13. *Cantabant sancti canticum nouum, &c.* Agit de canticis mysticis, per comparisonem ad cantica vocis. I. dicit cantoribus tria esse requisita, vocis instrumentum, arte documentum, vltus exercitamentum. Vocis instrumentum aptatur rheumatis